



Broj: 04-GV-04-1022/20

Datum: 21.10.2020. godine

*ZAPISNIK
O RADU 44. SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 21.10.2020. GODINE*

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Nedim Dizdarević, član
5. Pavle Krstić, član
6. Jasmin Smječanin, član
7. Lana Velić, članica

Sjednici prisustvovala iz Gradske službe za Gradsko vijeće:

- Zinaida Beširević, šef Odsjeka za stručne poslove

Ispred Gradske službe za urbano planiranje, investicije, stambene i komunalne poslove sjednici prisustvovao Tarik Zečić.

Predsjedavajući je otvorio 44. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i usvajanjem, sa pet glasova “za” i jednim “suzdržanim” glasom, Zapisnika o radu 43. sjednice Komisije za spomenike održane 23.09.2020. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Nacrt Programa rada Gradskog vijeća Grada Sarajeva za 2021. godinu
2. Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2021. godinu
3. Razmatranje Inicijative Općinskog vijeća Općine Stari Grad Sarajevo upućene od strane vijećnika Muamera Mekića
4. Tekuća pitanja



TAČKA 1.

Nacrt Programa rada Gradskog vijeća Grada Sarajeva za 2021. godinu

Uvodne napomene je dao predsjedavajući Komisije.

Uvodno izlaganje su dali predstavnica Predlagača i Tarik Zečić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja i rasprave, na prijedlog Predsjedavajućeg, jednoglasno je usvojen sljedeći **zaključak:**

Komisija za spomenike sugeriše Gradskom vijeću da razmatra Nacrt Programa rada Gradskog vijeća Grada Sarajeva za 2021. godinu kako je predložen i uputi ga u javnu raspravu, uz uvažavanje sljedećeg zaključka:

Imajući u vidu da Inicijativa za podizanje Spomen obilježja žrtvama na Kazanima datira dosta dugo, Komisija za spomenike predlaže da se u 2021. godini poduzmu konkretne aktivnosti na podizanju ovog Spomen obilježja.

TAČKA 2.

Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2021. godinu

Uvodne napomene je dao predsjedavajući Komisije.

Uvodno izlaganje je podnio Tarik Zečić, ispred Gradske službe za urbano planiranje, investicije, stambene i komunalne poslove.

Poslije uvodnog izlaganja i rasprave, na prijedlog Predsjedavajućeg, sa šest glasova „za“ i jednim „suzdržanim“ glasom usvojen je sljedeći **zaključak:**

Komisija za spomenike sugeriše Gradskom vijeću da razmatra Nacrt Programa podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2021. godinu kako je predložen i uputi ga u javnu raspravu, a svoje eventualne prijedloge i primjedbe Komisija će formulirati u narednim fazama izrade ovog dokumenta.

TAČKA 3.

Razmatranje Inicijative Općinskog vijeća Općine Stari Grad Sarajevo upućene od strane vijećnika Muamera Mekića

Uvodne napomen je dao predsjedavajući Komisije.

Poslije uvodnih napomena i rasprave, na prijedlog Predsjedavajućeg, jednoglasno su usvojeni sljedeći **zaključci:**

1. Komisija za spomenike je razmotrila Inicijativu Općinskog vijeća Općine Stari Grad Sarajevo upućenu od strane vijećnika Muamera Mekića i konstatuje da spomen obilježje čije se podizanje traži kroz inicijativu nije od značaja za Grad Sarajevo, u skladu sa članom 3. Odluke o spomenicima od značaja za Grad Sarajevo (“Službene novine Kantona Sarajevo”, broj 49/19).
2. Kao što se predlaže u inicijativi, od Općinskog vijeća Stari Grad Sarajevo traži se donošenje Odluke o postavljanju spomen obilježja na Carevom mostu u znak sjećanja na Marka Didoia Markana, te Komisija za spomenike sugeriše da se ova inicijativa realizuje u okviru lokalne zajednice Stari Grad, uz poštivanje Odluke o spomenicima od značaja za Grad Sarajevo (lokacija spomenika – Elaborat o mogućim lokacijama za

postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo).

3. Imajući u vidu da Komisija raspolaže saznanjima da se Carev most nalazi na popisu Nacionalnih spomenika Bosne i Hercegovine, realizaciju navedene inicijative potrebno je raditi u konsultacijama sa nadležnim institucijama.

TAČKA 4.

Tekuća pitanja

Pod ovom tačkom dnevnog reda nije bilo zaključaka.

ZAPISNIČAR

Zinaida Beširević

PREDSJEDAVALAJUĆI KOMISIJE

Enes Husejnović, s.r.